

ВЫЛЬ УЛОН

3-ти АРЭЭ ПОТЭ

ВКП(б)-лэн УАССР-ысь
Понино Райкомезлэн
но Райсоветлэн
органы.

Вань ужез военной ладэ перестроить кароно

Обороналэн Государственной Комитетвалэн Председателезлэс Сталин эшлэс радио пыр верамэз туж бадзым вниманиен кылдиз быдэс страна, вань советской калык. Калыкы вазыськем зырдыт кылдэсаз Сталин эш пусйиз, что асьме страна вылэ германской фашизмлэн вероломной нападениез асьме родиналы серьезной кышкытлык кылдытис. Вождьлэн верамез, кудиз быдэс дуннее вӱдскыз ӱтыса ваньзэ антифашистской кужымъёсты огазеясыкыны фашизмлэн пумит нюръяськына, туж умой определить каремын задачаос, кудъёсыз советской калык азын сыло тушмонэз пазыгон но быдэстон понна.

„Асьмелы чик жегатскытэк, — шуиз Сталин эш, — вань ужмес перестроить карыны кулэ военной ладэ, ваньзэ фронтлэн интересъёсызлы но тушмонэз пазыгон задачалы подчинить карыса. Советской Союзлэн калыкъёсыз табере адӱо ини, что асьмелэн родинамылы, кудиз вань трудящійёслы эрын ужан но умой улон сётйиз, германской фашизмлэн урыса йыркурьяськемез но адӱонтэм каронэз дугдытонтэм. Советской Союзсыз калыкъёслы жуткыны кулэ тушмонлы пумит асьсэлэс правооссаз, асьсэлэс музеймез захищатъ карыны“.

Вань ужез военной ладэ перестроить кароно — озы тыни Красной Арми- лы вань кулэ луись юрттон органи- зовать кароно, юматон тылэз, куж- мо ужатон ваньзэ предприятиосы, сомныда лэстыно винтовкаос, пуле- метьёс, орудноос, снарядъёс, кӱня ку- лы дуоз тушмонэз быдэсак пазыгыны во быдтыны.

Та ужъёсын туж кужмо ужано дуо партийной, советской но общественной организациос. Военной дыре асьме за- водъёс но фабрикъёс туж зол ужано дуо, производственной планъёсты бы- дэсыз сына, мултэс быдэсыно, про- дукциез лэстылоно выли зечлыкы гинэ.

Ваньмаз предприятиосын но учреж- дениосын, колхозъёсын но совхозъ- ёсын тулгатмын луыны кулэ туж юн военной дисциплина. Лэстыно озы, чтобы директорлэн, начальниклэн яке кивалтислэн котькудиз распоряжени- ез, приказез мед быдэсыськыоз жог, точно но кыл вератэк. Паникеръёслы, нытигъёслы, пӱртэм кыл вӱддйсьёслы пумит туж зол нюръяськыно. Нюръясь- коно сыче муртъёслы пумит, кудъ- ёсыз асьсэ поведениенызы тылэз дезор- ганизовать каро, тӱяло производств- лэс порядокез но дисциплиназэ.

Германской фашизмлы пумит отече- ственной войналэн кышкыт нупалъё- саз, котькудиз ужась, колхозник, Советской Союзлэн ваньмыз гражд- данъёсыз туж зеч валано дуо асьме странаы угрожать карысь кышкыт- лыкыслэ вань мурдалазэ. Социализм- лэс страназэ захищатъ карыны, фронтэз но тылэз юматны вань кужымез пононо. Чик жегатскытэк но одно ик куштоно благодушнэз, беспечностез, мирной строительств- лэс настроениосса. Котькудизлэс советской патриотлэс али кулэ туж зеч организованность, саклык но

тушмонэз ворон понна котьманн жертвовать карыны дась дуонэз.

Ужез военной ладэ перестроить кароно — со луэ тушмонэз пазыгыны коть- ку боевой дась луон, со луэ коть- кудзэ заводэз, колхозэз но юртэз обороналэн крепостезлы пӱрмытон.

Противовоздушной но противохими- ческой обороналы калыкез дасян понна, противовоздушной но хими- ческой обороналы калыкез всеобщой обязательной дасян сырысь, предприя- тиосын, учреждениосын но улон юртъёсын МПВО-лэн самозащитаез- лэс группаосса кылдытон сырысь алигес СССР-лэн Народной Комиссаръ- ёсызлэн Советсы постановление кутйиз.

Правительстволэн та ужрадэз туж бадзым значение басьтэ. Туала война- ны противник фронтын нюръяське- меныз чӱш ик ударъёс лэстыны тырше мышке но асьмелэс марной геродъёсмез но селоосмес бомбарди- ровать карыса, соня ик тушмонэз тузыны понна калыкы котьку ик тырмыт боевой дасьлыкын луыны кулэ. Озы бере тодыны кулэ воз- душной нападение дурья ма кароно правилоз, нюръяськыны быгатонно зажигательной бомбаосын, тодоно винтовкаез, гранатаез, противогазез, сбсырмыны шедем муртъёслы меди- цинской юрттэт сётны быгатонно.

Фашистской сьбсьёслэн асьме мир- ной городъёсы но гуртъёсы вылэ воздушной налетъёсы, кыдэке фронт- лэн мышказ десант васькытыны асьмелэс кулэ каро бдительностыме дасо поллы будэтэмез, предприятиос- мес но колхозной бусыосмес туж юн возымамез. Асьмелы ваньмылы ик быгатонно тушмонэз тодманы но ша- раны, шпионъёсты но диверсантъ- ёсты быдтылыны.

Али бадзымез задачаос сыло обо- ронной организациос азын. Осоавиа- хим — Красной Армиелэн бадзым но кужмо резервез. Осоавиахим али воен- ной обстановканы вань кужмыныз дасяно луэ армилы боевой кадръёсты — пулеметчикъёсты, гранатометчикъ- ёсты, стрелокъёсты, вородиловской всадникъёсты но мукетъёссы. Соня чӱш ик Осоавиахимлэн организаци- осызы али бадзым задача сётмын — противовоздушной но противохими- ческой обороналэн основаосылы туж трос калыкез вакчи дыр кустын дышетон.

Военной ладэ пуктэмын луыны кулэ партийной, комсомольской но общественной организациослэн вань ужы. Великой отечественной война- лэн нуналъёсаз, ку тушмонэз ворон решатъя каре фронтын сына фронт- лэн мышказ но, вань партийно-поли- тической но политико-массовой уж подчинить каремын луыны кулэ фронт- лэн интересъёсызлы, страналэс обо- роназэ юматон интересъёслы. Коть- куд коммунисты, комсомолецлы, коть- куд непартийной большевиклы али, котькудэс но тыршыса, кужымез жалатэк ужано, подлинной воинской дисциплинированностез но организо- ванностез быдэсыно.

Ваньзэ фронт понна! Ваньзэ туш- монэз ворон понна!
(„Удмурт правдалэн“ передо- воез.)


СОВЕТСКОЙ ИНФОРМБЮРОЛЭСЬ

Лымбыт 18 июле бадзымесь бойёс мынйзы Псковско-Пор- ковской, Полоцко-Невельской но Смоленской направлениос- сын. Кыкнаиз сторонаос бад- зымъёс ыштонъёс нуо.

Уточненной даннойёс'я 17 июле асьмелэн авиацимы про- тивниклэс 71 самолетэс быдтйз.

Противниклэн танковой пол- кез шоссе вылэ потыса ась- ме территория вылэ углубить- ся карыськыиз. Танк'ёс сьӱрын мынйзы сьӱн вражеской авто- машинаос. Советской мотомех- пехоталэн соединениезлэн ко- мандованиез Н. шур вамен выж вылтй гитлеровец'ёсты выжыны лэзиз. Выгодной по- зициосын командование сосредо- точить кариз но туж зеч замаскировать кариз орудности но пулемет'ёсты. Куке вра- жеской колонна выез кыдеке ортчиз, сое атаковать каризы асьме мотомехвойскаослэн бадзым кужым'ёссы. Немец'ёс пегзыны кутскизы берлань. Нырысетй автомашинаос вуи- зы выж вылэ потыны. Со ды- ре кылйскыз взрыв но выж вуэ усиз. Автомашинаос, танк'ёс, повозкаос одйг азе су- раськызы. Соку вражеской коллонна вылэ ударить кариз советской артиллерия. Фа- шистской танк'ёс но автома- шинаос улзизы. Куд-огез сол- дат'ёс, нимысьтыз танк'ёс но автомашинаос сюрес вылысь кожыса ватскыны туртско вал, нош соосты котькытын но снаряд'ёс уйылйзы. Танковой полк но со сьӱры мынйсь мо- томехпехоталэн колоннаез бад- зымесь ыштонъёс нуизы. Жу- гиськон инты кылызы данак танк'ёс, автомашинаос, данак орудие но боеприпас'ёс.

Н-ской авиачастьлэн под- разделениезы сётэмын вал за- дание — Дунайытй мынйсь транспорт'ёсты но баржаосты быдтыны. Азыпал ыстэм авто- разведка донести кариз, что судаослэн караваны Тульча но Сулин вискын мынэ. Жо- ген судноослэс караванзэс уйизы советской бомбарди- ровщик'ёс но истребительёс, нош соку ик караван ватсын адзыськызы германской „Мес-



Действующей Военно-Морской Флотын Н-ской частысь пулеметчик'ёс фашистской налетчик'ёс пумитэ отлично нуо боевой вахтаез. Наводчик Краснофлотец В. А. Гуляров но прицеллэн установчикез Краснофлотец А. С. Синавин (бурьсез).

сершмидт'ёс“. Соос шоры мы- нйзы советской истребительёс. Пока советской истребительёс „Мессершмидт'ёсын“ респрав- ляться карыськызы, бомбар- дировщикёс нефтен судноос вылэ куязыбомбаоссаз. Ныры- сетй бомба шедиз бадзым баржа вылэ. Взрывлэн кужы- меныз баржа шори пылыськыз. Инме жутскыз бадзым тыл. Жуась нефть бызыны кут- скыз ву кузя. Жоген эшшо одйг баржа но одйг транспорт взорваться карыськызы на шо- нер усем бомбаослэс. Мукет'ёссыз баржаос но транспорт'ёс улзыны кутскизы ву вы- лын жуась нефтьлэс. Быдэс караван, кудиз соосты кар- из кык транспортлэс но вить баржалэс, быдтэмын вал, сьӱд чын дасо километр кемысен умой адскиз. Воз- душной войнаын быдтэмын вал куинь вражеской самолет'ёс. Ваньмыз советской самолет'ёс аслазылэн базазы лыктй- зы.

Враген одйгаз схваткаын Алексеенко лейтенантлэн тан- кез быдтйз тямьс немецкой противотанковой пушкаосты. А мукет дыр'я Алексеенколэн


машинаез тыэ нӱдыса немец'ёсын котыртэмын вал. Храб- рой танкист'ёс сутка чӱже возыкызы. Вуоно нуналэ Алек- сеенко лейтенант подбить кар- из на кык фашистской танк'ёс- ты, одйгзэ буксире басьты- са аслаз частезлэн распоря- женияз ваиз.

Орудилэн командирез Пав- линский, враглэс танковой атаказэ отбивать карыса, быд- тйз куиньзэ фашистской танк'ёс- ты но одйгзэ бронемашина- эз.

Фронтлэн Бессарабской участказ Хырлоу дорысен матын столкновение вал ру- мынской солдат'ёс но немец- кой частъёс куспын. Издева- тельствоосын отчаянниоз в- тутьса, румынской солдат'ёс германской лагерез ыбылы- ны кутскизы. Тревогаен жуты- са фашистской пехотной ба- тальон ыбылиз соседней ру- мынской частез.

Английской печать советской авиацилэн героизмез но мастерствоез сырысь

Али СССР-е мынэм английской миссия, гождэ „Таймс“ нимо англий- ской газетлэн обозревателез, ивортэ что советской военно-воздушной ку- жымъёслэн личной составзылэн мораль- ной уровенез туж вылын: советской летчикъёс котьку ик луоно учыръёсы противниклы пумит жугиськыны кутско и жугисько туж усто. Гер- манской авиацилэн самолетъёсыз туж трос быро шуыса чакланы основаниос тырмыт. Русскойёс шӱдскымон бадзы- месь азинскотъёс басьтыны быгатйзы неприятельской танковой частъёсты атаковать карыкузы. Германской вой- скаослэн мышказы кыдэке васькытъям советской парашютной десантъёс вась- кем беразы героически нюръясько.



КРАСНОЙ АРМИЫН Пулеметчикъёс ТАСС-лэн фотохроникаез

Тылын упорной ужен фронтээ юнматомы

Гитлеровской бандит'еслэн подлой нападенизылы ответэн, Свердловской областысь Петрокаменской районьсь колхозник'ес горд обоз организовать каризы. Туэ ар понна хлебопоставкае дырылзсь азыло государственлы сдать каремын вуж урожайысь 700 подводэн ю тысь.



„Красный партизан“ колхозлэн горд обозэз. ТАСС-лэн фотохроникаез.

Война мынон нунальёсы

Отечественной война мынон вакытэ колхозник'ес но колхозницаос вань кужым'есын турско фронтлы юрттыны. Дырылзсь азыло государственлы нянь, сйль, йёл но мукет сельскохозяйственной продуктаосты сдать каро.

Районыстымы тросээ колхоз'ес государственлы туэ ар понна вуж урожайысь ю нянь сдать каро. Богатырской сельсоветысь „Трактор“ колхоз 80 центнер государственлы нянь сдать кариз. Со озы ик йёл сётон обязательствоэ но тырмытэ ни. Нянь сдать каро озы ик Адамской сельсоветысь Ворошиловлэн нимыныз нима колхоз, Дондыкарской сельсоветысь „Комбайн“, Богатырской сельсоветысь „Симашур“ но тросээ мукет'есыз колхоз'ес.

Государстволы йёл тырон обязательствооссэс районьстымы тросээ колхоз'ес 100 процентлы тырмытылызы. Кыл-

сарысь, Коршевихинской сельсоветысь „Пионер“, Адамской сельсоветысь Ворошиловлэн нимыныз нима колхоз, Слудской сельсоветысь „Усть-Пышкец“ но Молотовлэн нимыныз нима колхоз'ес йёл тыронээ 100 процентлы тырмытызы. Озы ик тырмытэ ни „Кельдыково“ колхоз но. Нош Дондыкарской сельсоветысь „2я пятилетка“ колхоз сйль, йёл, курегпуз, ыжгон тыронээ сү процентлы ик тырмытыз.

Колхозник'ес но колхозницаос озы ик сельскохозяйственной уж'ёсты дыраз но выльи качествоен ортытон понна нюр'ясько. Сое туж умой возмагэ турын октон-калтонлэн мынэмез. Турнаны тупатэм нормаэз 200 процентлы тырмытым факт'ес районьсы трос. Ваньмыз со вера со сарысь, что колхозник'ес но колхозницаос ужээс перестроить каро озы, кызы куре туннала обстановка. А.

Ужан жогык'ёс будо

Колхоз'есын али турын октон-калтонлэн пось дырыз. Котыкудыз колхозник но колхозница асьсэ трудовой фронтлэн змос боеценыз шодо. Сос асьсэлэн честной но упорной уженызы, умоесь ужан образец'ёсты возматом.

Тани Богатырской сельсоветысь „Красная речка“ колхозысь колхозник'ес но колхозницаос турнанын быдэн 1,5—2 норма быдэ'яло. Кылсарысь, колхозница Куртева Анна Ивановна 0,3 га норма интые, 0,57 га но солэсь трос турна, Муханова Александра Федоровна—0,55 га но озы ик Муханова Зинаида Васильевна, Муханов Семен Васильевич но тросээ мукет'есыз турнаны тупатэм нормаэз трослы мултэсэн быдэ'яло.

Уг сыло мукет уж'ес но, турнанэн чош ик колхозын мукет уж'ес но быдэ'ясько.

К. В. Третьяков.

Заемлы коньдон тыронээс кужмоятызы

Понинской сельсоветысь „Работник“ колхозысь колхозник'ес гитлеровской бандасын нюр'яськон фронтээ юнматон понна заемлы гожтысь кем взнос тыронээс кужмоятызы. Татысь тросээ колхозник'ес подписказэс 100 процентлы тырызы. Нош ваньмыз гожтыськем сумма 19 июльлы 87 процентлы тыремын.

Озы ик „Луч“ колхозысь колхозник'ес но заемлы коньдон тыронээс азинто. 19 июльлы ик татын заемлы коньдон 82 процентлы тыремын вал. Нош колхозник Артемьев Василий Трофимович сельскохозяйственной налоглы авансэн 90 манет тыриз ни.

Золотарев.

УЖАЛО ВЫЛЬ СЯМЕН

Слудской сельсоветысь Молотовлэн нимыныз нима колхозысь колхозник'ес асьсэлэсь ужээс азыло сарысь мукет сямен перестроить каризы но трослы умоятызы. Ваньзы ик соос родина азын асьсэлэсь ответственностьсэс шодо.

Турнаны кутскем бере тросээ колхозник'ес тыршыса ужан образец'ессэс возматом. Уже чукна куинь часэ ик пото но ужамысь бер берто. Турнаны 0,30 га тупатэм нормаэз трослы мултэсэн быдэ'яло. Тани турнасьсэ С. И. Князев, П. И. Возмишев, А. И. Ушаков но тросээ мукет'есыз колхозник'ес нуналы быдэ 0,40 га турнало.

Колхоз ю октон-калтон азе-

лы быдэсак дась. Аран машинаос, кутсаськон машинаос, уробоос, мешкотара ваньмыз дась. Юос пёлысь жаг турын'ес уремын. Али колхоз государственлы турын ворттэ, азансэн сдать каре ю нянь.

Озы ик азинлыко уж'ес быдэсмо „Усть-Пышкец“ колхозын но. Ю октон-калтон азелы туннэ араны потонкадь дась, жаг турын'ёсты урон быдэстэмын, юс дунэсь. Колхоз'я государственлы сйль тырон обязательство 100 процентлы тырмытэмын. Озы ик вуж урожайысь туэ ар понна мултэс няньээс государственлы сдать каро.

Богданов, сельсоветлэн секретарез

Огназ нык мурт понна

Бадзымшурской сельсоветысь „Бадзымшур“ колхозысь колхозник П. Ф. Баженов вужкое заведующей луыса ужаны пунктэмын, но Баженов эш одйг ужын гинэ ужаса уг буйгатскы, со тодэ, что пичи ке

но лэсьтэм уж фронтлы юрттэтэн луэ. Вужкоэ умой-умой тупатэм бере, Баженов эш колхозэ турнаны ветлэ на. Турнаны тупатэм нормаэз со быдэстонне вуттылэ.

В. Баженов.



Турнээ дырыз-дырля октыны-калтыны но государственлы Красной Армия понна сётны выльысь „Плуг и Молот“ колхозлэн возь вылаз (Балаклеевской район, Харьковской област) турнаны потызы мыйнос, соос фронтэ кошкем'ёсты воштызы.

Азылал планын 75 арэсьем колхозник А. А. Повасовский, 0,35 га норма интые, со нуналы быдэ 0,6—0,7 га турна. Фотоэз Н. Шикаленколэн

Фотохроникаез ТАСС-лэн

Кызы фашистской ордаос зйбем странаосты грабить каро

Бадзым чонари кадь, аслаз жертваезлы но кычэ жаланээ валатэк, гитлеровской Германия жыны Европаез аслаз ядовитой вотэсэнэз котыр'яса, али солэсь вирзэ юэ, вань лулоез быдтэ, сютэм улонээ но курадзонээ вольмытэ.

Пичи Дания кемалась өвёл Европаын „молочной фермаен“ лыд'яськылыз. Ар куспын фашистской бандит'еслэн кужыськеменызы Данысь молочной продукция 40 процентлэсь но трос синйз, курегпуз продукция—55 процентлы, пудоослэн лыдзы—куиньмослэн одйг люкетээлэсь но трос, парс'еслэн лыдзы—жыныезлы, курег'еслэн лыдзы—куинь поллы котыр. Ар куспын Данысь Германия сельскохозяйственной продукт'ёсты, сыр-

без но промышленной вуз'ёсты 542 миллион кронлы поттыз.

Данысь население гитлеровец'есын ограбить карыса, сютэм паек вылэ пунктэмын. Кемалась өвёл странаын ввезти каремын „бесхлебной нунал'ес“. Котыкуд сү мурт трудовой населенилы 35 муртлэсь но трос безработнойёс лыд'ясько.

Германской захватчик'ес озы ик быдэсак ограбить каризы Голландиэз но. Голландиысь сельской хозяйство прочсэ куашкан азе вуттэмын. Германысь оккупационной властьёс куризы, чтобы голландской крестьян'ес 1 июль азе азыло забрать карем сяна эшшо 360 сюрс йыр пудоосты сдать карозы шуыса.

100 сюрс котыр голландской рабочийёс кужмысь Германияе поттэмын но кылылымтэ эксплоатация улэ шедьтэмын.

Чехиэз фашистской мародер'ес странаез басьтэм бере азыло нунал'есаз ик тырттэмытызы. Соос магазин'есысь вань вуз'ёсты поттызы но Германияе келязы. Фашист'ес чех'ёсты странаэз германской войскаос „защитать каро“ шуыса арлы быдэ 200 миллион марка тырыны косо. Грабитель „Защитать каро“ аслэстыз жертваэз! Чехиысь но Моравиысь население жынызэ сютэм улэ. Нянь, сйль, жыр'ес, сахар, даже вал сйль но карточкаос'я сётчасько. Продукт'ёсты сетчан норма немец'еслы сарысь чех'ес понна синэтэмын.

Югославиез германской мародер'ес алигес гинэ захватить каризы. Вакчи дыр куспын соос странаез курадзон-

не но сютэм улонне вуттызы. Сербиян гитлеровской ставленник ялйз, что странаысь вань нянь запас'ес но вань посевной площадьёс Германылы выжо. Со приказать кариз вань посевной площадьёсты, нянез но пудоосты учотэ басьтыны но соку ик продовольственной продуктаосты Германияе нуыны. Соин сэрэн али даже Белградын, Югославилэн столицаяз, туж секыт шедьтыны кукурузной нянь кусокез но.

Франциэз бадзым территорияэ захватить карем нуналысен ар куспын, немец'ес отысь продовольстволэсь но дйсь-кутлэсь вань запас'есэ поттызы, басьтызы быдэсак французской промышленностез но али французской рабочийёсты грошевой дун понна асьсэ поработительёссы вылэ ужаны косо.

Фашистской завоевательёс

тужгес ик зол расправиться кариськызы польской крестьян'есын. Соосты сү сюрс'есын Германияе выжтызы но раб'ёсы-батрак'ёсы пёрмытызы. Батрак'ес уло сычэ условносын, кычэ азын асьмелэн пудоосты но уг возэ.

Окупированной странаосысь курадзытэм но сютэм улысь калык фашизмез бадзым йыркурэн адзонпотонтэм каро но одйг малпамен тырмемын гитлеровской зибетэз быдтыны. Быдэс мирысь трудячийёс син'ессэс али оскыса асьме родинамы пала берыктызы, кудыз фашист'еслэн наглой нападенизылы героической отпор сётэ. Великой советской калык урмем фашистской сьбосэ быдтоз!

Врид. редактора П. Алексеев